

吳
興
詩
話

吳興詩話卷四

烏程戴璐菴塘輯

陸侍御師字麟度號巢雲歸安諸生工制藝康熙丙子

出唐實君吏部門庚辰成進士初宰新安張匠門以詩
贈行沈閣學送詩云計到琴堂日中州月正中秋清秦
嶺見水淨河流通社酒人扶醉場苗歲告豐青腰摘仙
草彩服進家翁並有詩贈封翁愚溪後補儀徵作牧牛
詩以比爲政行取改御史外轉充沂道卒著浮玉山人
稿子端入籍儀徵乾隆己卯舉人官學博

長興錢朗亭中丞珏以知縣行取御史游撫山東子兆

沆字蓼涓庚辰進士亦以知縣行取御史轉禮科掌印

給事中恭與重陽聯句外轉荆南道湯西崖贈詩云隻
手誰能障巨河空驚五色眼中過新愁岸柳低攀袂舊
夢宮花暖襯鞦韆楚澤三秋吟墜露漢庭一笑失橫波先
生貝齒侏儒飽底用風前想玉珂

德清吳震一學道卜雄庚辰進士工於詠物陳香泉奕

禮寄懷詩對居宣北常常見移舍梅花日日來詠物將
成詩百首促書幾及紙千堆味同水乳多相得義有情
親合未開雲頂關頭回憶處杳無鱗羽更堪哀父興或
有獨行黃梨洲銘其墓

辛酉解元蔡彬字與端庚辰方成進士相傳辛酉從宗
伯赴試首場忘書添註塗改意必貼出往觀見一人號

泣而回曰忘書添注在場求付原卷補書今仍貼出是以痛哭蓋掌卷將蔡卷誤發又不細看誤填榜發中元嗣久困公車至是入翰林改羅源知縣歷吏部郎中遷居馬軍巷余幼時尙見其門云

胡司寇集有題溫鄰翼山中習靜觀朝權松下清齋折露葵圖詩鄰翼名睿臨乙酉舉人久客京師著南疆逸史爲諸野史所不及其自著西山吟稿亦未之見

韓怡園

雲

字自爲戊子恩貢鮑西岡有同怡園王載揚

訪綸翁詩竹溪南望浩無津一葉浮舟下白蘋正是蒲蓮浩如海菱花風送雨詩人載揚名藻吳江徵士有詩名又懷人詩風流狀元後

祖敬狀元

四十老明經結習祛文

障談諧繼歲星花枝掠鬢白展齒印山青不問田園事
逍遙任獨醒厲樊榭賜贈詩金粟風流久絕羣弁陽今
復見夫君梨花萬樹營生曠自說他時葬白雲先祖贈
詩云枕流傍郭結精廬賓客梁園檢校初二代英華供
采拾百年騷雅費爬梳時選古今詩兼窮年力欲留先澤老去
勤猶讀父書但令天公長與健名山事業竟誰如姪錫
爵字書升甲午歲貢先祖業師有詠史詩

湖佚四百三十卷爲己丑進士名山令徐非云元僖所
作未梓聞後人尙守殘編有待蒐訪

沈宮贊在京時子輪翁先生樹本字厚餘弱冠隨侍以

白蘋詩得名與海寧楊守知次也嘉善柯煜南陔平湖

陸奎勳坡星稱浙西四子嗣困場屋辛卯壬辰聯捷第
二人及第授編修乞養歸久主安定書院著竹溪詩略
嘗繪碧湖泛觴圖查查浦嗣琛題云山光青處水光白
日影黃時月影紅此景城中人不識惟應地主是漁翁
鮑西岡題云玉堂天上渺難攀回首蛾眉憶舊班隨意
煙波閒泊宅詩人家近小剪山柯南陔題云澆花弄水
師迂叟竹簟茅檐學醉翁百頃煙波查貫月偷閒小住
水晶宮沈歸愚題云不向君王乞鑑湖一篷隨處逐飛
鳬白魚紫蟹青菰飯便欲煙波作釣徒

先生在京賦洗象行踏燈詞一時傳誦嘗元夕過怡園
值王宛平諸姬歸院被酒闌入致受爆竹熏炙故先君

元夕詩云宣南坊裏說遺聞丞相園林步障分猶記笙歌歸院落一時憔悴沈休文

先生與先祖同舉于鄉先生子篙師先生又與先祖癸卯同入翰林集中懷先祖詩甚多有賀得孫詩卽已未珮生時也詩云石麒麟豈人間物頭角崢嶸福慧全莫笑老夫非寶誌尙容摩頂喚彭篋禮教相承大小同家聲千載仰儒風更應三世傳經術奪席還看繼侍中余五十四歲方讀是詩以見前輩期許之殷錄以誌愧柯南陔癸卯方成進士贈詩云多年投契如韓孟此日同遊託紀羣亦因與篙師太史同年云

先生撰湖州詩摭一百八十卷宏富無遺今訪得首卷

沈慶之詩只一絕而南史本傳全錄未刪餘皆類此似是薈聚後未經刪削余有志續選以備吳興文獻但卷帙浩繁先編詩話問世所望同志相助爲理庶能竣事也

吳孝廉

斯洛

字琳巖號山樵歸安人明御史振纓子辛

卯舉人出梅耦長

庚

門下著補閣詩鈔同年張京兆

鳴

鈞

序之僅刻二卷所居庚村亦作康村築補閣輪翁得

補宇賦詩鮑西岡懷人詩頭白康村隱文場懶校爭他時耆舊傳應首孝廉名飲逐樵風醉吟依釣碣清著書留補閣寂寞護山英又寄詩青山自識吳均宅白紵誰歌鮑照詞又答詩清遊曾記晚春天抵掌僧樓月正圓

混跡常鄰調御室投詩喜泊孝廉船嘗來世味無如酒
消去機心卽是禪聞道南山桂花發多時已辦草鞋錢
夾山漾口好村墟漁弟樵兄比戶居小閣留賓當雪後
夜燈翦韭憶春初極知泉石情原密莫訴山王跡竟疎
倘得褰裳逢子去望衡對宇結茅廬弟溶字眉宗號百
峯諸生工詩時號庚村二老隨園詩話采詠桐子嘲杜
丹詩句詫爲奇絕集中未見

先生撰先祖詩序年已八十有三己未年將九十先君
呈詩云杖藜山北又山南天付煙霞著意探老去香山
須結社新緣彌勒與同龕精廬猶共姜肱被佳日能分
逸少甘嘗舊幾人留白首草堂已是百花潭百峯亦有

贈詩

孫太史

見龍

字叶飛號晉齋在豐姪癸巳冠南宮入翰

林改洪洞知縣嗜飲先祖作止酒歌以勸終以忤上官
去任乾隆初舉鴻博不見收久主滇南五華書院晚授
咸安教習歸里費道峯學士南英乾隆癸卯使滇感懷
詩五華山院鬱蒼蒼十五年中化雨長冊府別開吳下
版酒槽爭壓會稽香門牆已徧青雲彥教授猶仍白髮
郎顧我昔曾呼小友不辭凝咽問蠻荒先生在滇刻五
經選明文造越酒門下李因培錢士雲俱登卿貳時中
允約亭先生同時視學滇南科甲無不出二公門下余
座師趙檢齋先生恒述之

江中翰

發

字岷源歸安人與兄芝三

秀

有聲庠序乙酉

鄉薦鄭黨參贈詩二十韻又岷源寓齋同集詩堂上銅盤樺燭紅嚴城霜鼓夜逢逢星辰忽合春杯底江海同流綵筆中萬事烏頭終有日羣公駿足去追風三秋桂子天香滿閒在山頭訪葛洪癸巳成進士官中書又寄詩可憶江湖舊散人木皮自織裹頭巾庚子分校順天黨參方中南榜

孫莉山

其仁

字大心司空從弟早游京師與張損持狄

立人友在黃崑圃侍郎席上賦詩云曾列蓬萊供奉班雲門駐節喜追攀酒杯寬似春來水座客多於郭外山十二銀箏邀夜月兩行紅粉闌煙鬟後堂此日誇良會

莫笑彭宣醉未還遊秦感遇有前程虎觀升天級世路

羊腸逆水篙之句終於不遇有白鳳樓詩子紱字峙瑤

有桐村詩鈔時龍字潛夫孫益謙字通求並有詩名曾

孫洛如乾隆丁酉魁浙榜樹本辛丑進士宰平山樹楷

乙卯舉人森槐徵槐陝西榜舉人

岳泗菴昌源自嘉興遷菱湖嘗夢遊具區得句云混沌

疑包海空濛欲浸山醒足成之又舟次口占云深樹含

煙綠沿隄小艇橫桑陰人不見但聽翦刀聲亦有神韻

鮑西岡初任長興蔣志棟字大梁號凌雲癸巳舉人在

京送詩云秋風策策一開眉喜見山家善政爲已映玉

壺冰雪淨還期蒼弁雨雲垂尙書清節傳聞過吳巒太

僕高文信起衰

歸震川

懷古思鄉兼頌德知君不羨第三

碑吳興自古名賢守小邑西偏遺蹟佳陳帝宅邊空老
檜謝公池畔起寒鴉何人水利謀開港薄有山農事采
茶明歲欲歸歸未得故園春色拜君嘉橫雲尙書集有
同城南花塢看芍藥詩

菱湖吳天濤封翁

浩

學行載省志老於明經二子竊比

二蘇長子眉菴少司馬

應蔡

字小眉乙未進士由編修

厯官湖北巡撫斷疑獄爲譜傳奇入爲兵部侍郎京寓
東井書屋時招同鄉讌集見徐恕齋孫約亭張秋水諸
先生並先祖集夙願宅改會館憩止鄉人後嗣違訓輾
轉售歸費道峯學士今亦漸圯所著青瑤草堂集未見

湯西崖柬吳小眉詩君就招提宿清香入院時綠槐風
細細冰簟雨絲絲秀句人爭誦閒情自不知白蘋汀上
路傳得柳家詩王樓村式丹題柳邊覓句圖云客裏行
歌是幾年年年楊柳故依然樊南別有清秋怨不爲斜
陽不爲蟬秋自蕭疎春自狂寄愁何處與禁當曉風殘
月夢初破唱徹蓬萊柳七郎皆初館選時所贈

沈輪翁有和奉使粵東見寄詩如何霄漢乘槎使也憶
煙波釣艇閒陸子輕裝逾萬里韓公奇句歷千山祝詩
云同起清貧結契堅塵街矮屋影相憐顛吟狂飲忘朝
夕記否聯牀曲尺眠杭葦浦世駿題嶺北集云官因右
部論兵偉句比東坡過海奇農南家叔祖永植贈詩適

館九衢歸夏屋大裘百丈荷春溫見公鄉誼之篤

徐恕齋詩時召故鄉客每羨秋盤嘉高唱及驅駒醅醪
泛犀槎司馬秋日治具號曰秋盤酒器號犀槎張秋水
有七古長篇丁巳立春司馬招飲東井書屋以迎春東
郊爲題結句報道大蘇生日近好移燕九祝長春十二
月十九日司馬生日同坡字以小眉因此司馬得墨紗
蕉幅張之齋牖因名蕉窗嘗畫墨竹扇上錢香樹尙書
題句云澹煙濃墨埽雲腴胎脫東坡鳳尾圖又見蟹爬
沙滿紙千秋一炷屬菱湖

張南華

鵬翮

集有眉菴少司馬招集東井書屋看丁香

花分韻得丁字詩草堂春色映華星吟侶招邀眼共青

名酒暖初融玉液好花繁似簇銀丁清時磊落雲霄迴
勝日流連草木馨穀雨乍過涼月霽軟風吹帽醉微醒
去歲天涯識使星海雲摩盪粵峯青百篇賦詠驚三峽
萬里流傳走六丁廬阜濃香仙客瑞羅浮疏影醉魂馨
歸來更對花前飲吟向天風鶴夢醒庚申接葉亭丁香
盛開諸公小集方分韻聞眉菴少司馬訃驚惋輟筆他
日成詩有云去年丁香始著花花前置酒浮犀槎一年
轉瞬成昔夢歲月難挽如驚蛇故人隔夜忽零落刹那
性命隨風沙於以見前輩交道之古嚴海珊遂成感懷
詩蕉窗綠暗樹燈紅舊雨沈縣一夢中去燕有樓吟白
傳過車無酒酌橋公明星夜集仍東井老柳秋垂向北

風何處紫雲迴奏曲傷心不待管絃終

張京兆

鳴鈞

字雙南號笠濱烏程人乙未翰林改給事

中按察山東歷直隸布政使內陞府尹張南華途次寄
詩云去歲春闈入鳳城今年春半別承明一年一度看
春好莫笑先生少宦情昨夜傾壺醉淺沙到家將近轉
思家曉風吹斷揚州夢千里春帆埽落花注時與嚴植
州館丈同舟嚴名樹基石樵孫庚戌檢討早世

沈固廬封翁

杜臣

閣學子甲午舉人分發廣東落職後

遊幕府晚年就養省堂太守懷慶官舍太守詩云國事
如家事公樂卽私樂百姓皆飲和吾家長生藥又賦雪
押扛韻云繞膝孫曾扶二老梅梢壓重欲同扛東田先

生祝七十詩清白家聲自昔傳溪南門第戟曾連一行
未試王喬舄十載空依庾杲蓮耕讀艱難留世澤圖書
辛苦付兒傳題名幸接先人武美政龔黃頌已鐫省堂
太守二甲第三名同閣學故云

小谷口鄭芷畦

元慶

字子餘諸生嫻經濟著行水金鑑

等書因府志多訛撰湖錄一百二十卷未刻箋釋顏魯
公石柱記竹垞賞其精核爲補二縣家有魚計亭嘗畫
西河竹垞合像侍坐請益載竹垞年譜陸坡星題詩圖
中二老昔追隨學海千尋未易窺賴有霅溪同調在葭
蒼露白共尋詩西河詩話越韓嬰醢舫經腴朔考亭著
作何人稱繼起兩峯南北峙空青竹垞寄詩云鄭生五

亭住四面白蘋香竹樹早無恙湖田低不妨圖書宜後

定天意欲新涼近得苕溪集

宋劉一止

期君讀草堂張匠門

大受

題授經圖詩囊括諸儒學何人薦至尊雲煙穿戶

牖松竹繞家園白首窮箋疏清風遺子孫故應採几杖

請業鄭公門鮑西岡題小谷口詩幽居仍谷口原是鄭

公鄉事業書千軸淵源水一方鷗波纔咫尺魚計足徇

佯得便求津逮褰裳夢不忘又懷人詩十畝傍湖田餘

桑足衣綿著書多歲月閉戶自林泉晚飲開家醞春游

借釣船蕭然小谷口不愧子真賢沈歸愚有題毛朱合

像詩先祖及吳山樵俱友善贈詩今著述零落故居在

郡庠前已易他姓但存池水一泓耳姪

振銓

字觀三丙

辰舉人有文名官縉雲教諭亦無後致湮沒無聞

徐封翁商農

志莘

字任可大司空子少同查他山遊皖

江倡和有詩廕授順天通判子恕齋侍御館選營招癸

卯翰林丁園看藤花沈輪翁在座用昌黎杏花韻贈詩

未幾假歸先祖送詩黑頭絲竹開新墅黃閣鹽梅付後

昆里居葺半月泉呂成公書院詩載郡志弟

志巖

字象

求癸巳副榜開封同知有抑齋詩稿楊夫人亦能詩家

藏大理石屏子

以泰

乞厲太鴻

鶚

題七古并題

以泰

綠

杉野屋圖云南州高節渾相似北路風流笑不如

馮杜曲

撰

字象天美玉孫諸生有據桐草先祖題桐花

小塢詩十五年前舊夢酣綠尊紅袖泥山南自言邇日

風懷減小塢新同彌勒龕

吳太守

穀

字洲揚號朔占泰安知州曙子辛丑進士由

吏部郎中歷守宣化廣平輯廣平府志載清暉書院詩
嚴海珊懷人詩春回上谷不凋荒坐鎮清時鎖鑰長爨
市酒坊無夜禁繩連弓彀昔秋防河歸舊道香通合碑
仆空亭樹木涼北顧詩成思少盡西風老雁喚秋霜

臧道山

廷鑑

字受澄長興歲貢有句云人間甲子休虛

度讀盡儒書便是仙自金陵歸姚蕙田

世鉅

訪以詩云

皓首尙飄泊窮冬且倦遊人歸罨畫曲詩卷秣陵秋禪
喜清涼寺閒情十六樓調飢慰今昔別緒話從頭余家
秋樹山房乃道山隸書鮑西岡贈詩老如伯業猶勤學

癖似張參愛寫書鄭黛參詩七十先生健精神雙鑠哉
年八十八選山陰訓導未任卒

潘肖野

作梅

字戒平安吉歲貢海寧訓導嚴都諫

源燾

張秋水

映斗

皆出門下秋水題靜觀圖云日長書味永

官冷道根深

竹墩積照堂爲沈襄敏公舊第後人東甫

炳震

字寅馭

汲古著書史學尤邃杭堇浦厲樊榭自杭來訪延齡翁

先生及弟

炳異釋旃
炳謙幼牧

同集用顏魯公石尊聯句韻樊榭

首唱一郡山水古百年耆舊存諸公鬪險爭妍詩並刻

厲杭集中東甫有增默齋詩其蠶桑樂府載入郡志

袁隨園

枚

題沈秀君

生芝

抱書圖東陽有哲人著書盈

其屋不鑿楹下藏但付子孫讀其子亦老矣抱書如抱
續見小倉山房集

董孝廉

浩

字扶搖漢策從孫康熙庚子舉人詩文負盛

名和海珊十臺詩忽得奇疾病中賦病鶴敗船詩自況
又枕上書懷警句如身困藥鑪眠病鶴戶盈債屨吠寒
厖拔宅有天堪舐鼎立錐無地且居樓籠裏書生非一
日帷中新婦已三年典衣賤已同齊屨貧粟難於請鄭
環皆極悽惋有南谷詩集

茅廣文

應奎

字渠眉號湘客歸安人鹿門先生從孫康

熙庚子副車官昌化學博罷歸年九十一乙酉南巡
與百餘歲老人王學博世芳迎鑾而不得並沾恩

澤生平著作甚多有華溪感舊五言百韻雁字平韻三十首爲時所稱其五湖詩集諸草廬宮贊錦厲樊榭徵

君鶚

爲之序齊息園宗伯

召南

爲之跋均極傾倒沈歸

愚尙書題詞云鹿門夙數文章伯幾世流傳澤未湮宅傍湖山仍故業門盈桃李自長春廣文官冷遲紆綬著述年多漸等身早晚徵書下巖谷好拋蠟屐御蒲輪三朝同作太平人少長於君懶更真予長先別後倍知詩律細相逢定訝鬢絲新夢遊名嶽雙筇杖興寄滄浪一釣緡二老風流約來往五湖深處結比鄰范松巖司空璪題詞云華陽一老沅湘客跌宕騷壇擅詩伯驪珠獨採早有聲自是天生建安骨管領溪山主五湖佳篇傳

播入海窟京華仙侶切停雲尺素聯翩馳鄭驛我幸投
簪已十年每聽高歌翻白雪黑頭梁月苦參商瞻首蓐
鄉共朝夕品味新調吳下羹談經欲奪春風席自昔才
名盛李杜翰君遐算登毫壺天留人瑞式南邦得輿之
果果何碩選近人詩名絮吳羹

吳興詩話卷四

吳興詩話卷五

烏程戴璐菴塘輯

吾湖康熙末年科名不振雍正癸卯進士十二人館選
七人外祖倪嶧堂先生

師孟

字南琛震澤人寄籍歸安

授編修歸養先祖及馬壘麟給諫並送長歌戊午主蜀
試後乞歸范浣浦

咸

同飲沈蒿師寓賦春盤詩以送又

寫梅圃歸來圖爲張南華筆張秋水詩平生自惜飛騰
意獨有琅邪邴曼容丙寅無疾而逝先祖輓詩高山流
水鍾期杏籬菊園松栗里蕪便欲生還尋活計與誰同
作耦耕夫嚴海珊輓詩於事無機心如田之方面攤飯
蟬委蛻泠泠御風善竟不轉頭銜魂歸翰林院

吳太史

大受

字子信號牧園光孫己酉使蜀王子使江

南視學湖南假歸乾隆八年大臣薦應陽城馬周之選亦不出終檢討沈綸翁贈詩前溪門閥推延陵蟬聯甲第多高騰太史英名尤挺拔雄姿奕奕鋒稜稜文壇自幼誇積玉頭銜及壯稱條冰江淮楚蜀歸月旦持衡玉尺世所憑嗟余解名愧同譜長松堪愛蒿堪憎又飲蓮花莊詩遙瞻汾晉霜臺肅兼憶衡湘絳節開知己雲霄屹相望何時也共故園醅時先祖司臬山右先祖與牧園先生均與篙師先生癸卯同年而綸翁仍執辛卯年誼前輩古道如此先君癸酉呈詩岳雲能感韓夫子溪水常歌元使君從知正始遺音少不道貞元朝士多

時余隨拜牀下公已寢疾道氣深沈論詩文外無他語

沈侍御

懋華

字芝岡憲副裔孫由編修改御史降禮部

員外郎歸愚稱詩主蘊含不欲說盡晚學佛不作詩夫
人楊氏有詩名見後

嚴太史

民法

字儀一號養雲宗伯存庵子以編修己酉

副廣東試子源燾先點貴州正考意存怏怏致援驛站
降禮部主事晉員外郎隨陳文簡

元龍

南下舟中唱和

文簡和詩云省中磐石憶風規瓊類才名冠鳳池入夢

松楸今得慰歸舟萊綵喜相隨雲依帆影聯孤棹月滿

波心惠好詩我老長辭今暫去尊鱸休戀雪溪湄

徐廉訪

以升

字階五號恕齋志莘子癸卯編修改御史

廣西視學宣諭淮揚外轉冀甯道廣東按察有南陔堂
集歸愚序稱克傳家學無愧門風視北城時元夕查街
有紅燈一簇擁貂裘之句不錄集中惟消寒詩云衝雪
天街走繡衣點燈招客共鑪圍視粵學時陸坡星適主
秀峯書院倡和詩並見本集嚴海珊懷人詩疎闌吳荒
葉葉風滿家蠻語喚姑公事當伐木燒磚後人在零雲
碎雨中可道秋來還噉粥試看春轉又催桐遲君五渡
三楓外重挂珠娘翡翠逢

沈太史

榮仁

字勉之號篙師輪翁子癸卯編修辛酉主

蜀試歸晚居蓮花莊又號如蓮先刻小雲集詩畧陸坡
星序晚定壽山樓集杭堇浦集附刻契原山堂聽琴和

韻查查浦題春江待渡圖云春江花月近如何檢點清
遊勝跡多六客留題誰好在重吟惟有一東坡沈歸愚
題云萬樹桃花千載紅仙源雲水隔空濛中流一葦如
相引便是蓬池一路通時爲辛丑公車嚴海珊懷人詩
梅花大庾嶺南行六載空聞北雁鳴加我老形生鼠乳
還君故物守尊羹藥丸夜裏伊蒿淚鬢局秋涵弱蕙情
嗚咽劉伶橋下水別時無此斷腸聲太史弟

榮光

字葆

之丙辰進士台州教授

先祖諱

永椿

字翼皇又一號卯君辛卯在杭與西泠十

子倡和癸卯入翰林改御史巡察畿輔司臬山西江蘇
降守潯州詩多散佚僅存漸成草堂詩十卷吳山樵序

吳牧園先生墓誌詩古文出入唐宋六家宗仰尤在白
蘇吐言天拔自成一家 汪文端贈詩解經不窮戴侍
中紺珠學海探驪龍鮑西岡寄懷詩臨軒頒寵命親遣
繡衣臣芳草王程暖桃花驛路春齊梁宮體麗旌節使
星頻舊跡南朝事紗籠處處新嚴海珊寄懷詩家山不
遠一江分花月金閨屬使君可是釋之專治獄便呼白
也與論文酒壚夢斷三生笛衣笥香消一段雲惟有平
反勞母問寶倫因果結聲聞 守潯時以詩別尹文端
公公和詩云重膺節鉞到吳門世故紛紜不可論愧我
無能圖小補憐君有願託空言飄零自昔原難定舊雨
於今半不存行矣莫辭前路遠好教搖擗沐仁恩山頭

小草亦干霄薄植休嗟地本礲岸送猿聲孤客淚波搖
帆影瘴江潮寒梅颭雪香逾老病馬嘶風氣尙驕此日
分攜南浦上記看白髮兩飄蕭浮雲過眼總成空世事
何從計始終只有隨緣歌盛世漫爲搔首問天公閒情
縱已拋身外亂水還應入夢中一曲驪歌歌未了白門
煙樹夕陽紅潯江風景且遨遊此後重逢識幾秋仁望
循聲高召杜甯誇好句比元劉思鄉何處登蠻嶺話舊
誰同詠石頭說到民生添悵快非因歧路淚盈眸按文
端爲
先祖癸卯同年總制三吳因先祖在京候補奏往南河
候補道員揚州工次旋奉守潯之命執手欲獻而別
四詩真摯
墨跡猶存
守潯時送詩盈卷外舅沈榆村先生作時稱
擅場琴鶴隨身泛碧潯銜恩未許謝朝簪舊藏諫草風

霜重此去蠻花雨露深春水人迷江上樹夕陽山響越
中禽一麾豈有投荒歎萬里長懸報國心嶺外崎嶇鳥
道連征帆先挂洞庭船家惟鄴架書三萬官若潮州路
八千澧水有蘭經北渚衡山無雁到南天達人原自忘
遷謫也觸羈愁到酒邊曾叨月旦汝南評把袂消魂送
遠行白簡公原非巧宦青袍我尙未成名俸分寒士兼
金重身謫炎方一葉輕悵望江干應目斷搖搖何日定
心旌姚薏田寄懷詩驂鸞新紀錄冠豸舊儀形將底金
隄績俄揚桂海舲柳煙霏綬涇桃雨帶旌零別墅王孫
宅西莊給事局魚梁仍對字詩嶼冷孤亭野艇憑誰買
園花笑獨醒有懷充水手無計伴畦丁飫眼江淮白懸

心嶺嶠青戀恩難便老堪謝草堂靈鮑西岡稗勺長興

署東構小簇園戴按察潘明經顯圻王徵士藻姚茂才

世銓各賦五言絕句十二首集失此詩姚集亦不存稿

亞谷叢書載太史於康熙丁卯生仿東坡稱潁濱例自

號卯君後於辛卯舉於鄉癸卯成進士

壬戌候補在京和張南華鵬翀春林淡靄圖六絕刻入

金蓮榮遇集進呈以外吏而附列卿之末不可不誌南

華癸卯鄉舉認同年曾贈疎林遠岫條幅尙存

欽大令璉字寶光長興人癸卯進士宰南漚兼署上海

多惠政曹黃門一士贈以五古稱有古循吏風詩有虛

白齋稿內有燕市雜詩足補日下舊聞他如嚴中翰夢

元未仕早沒沈刺史

志榮

錢刺史

孫振

皆有政聲蔡明

府

書紳

制藝名世宰溧水有殊績今贈兗州知府

詔舉博學鴻詞浙江首舉嚴明府

遂成

字崧占號海珊

甲辰進士曾宰臨縣丁艱未試補任直隸終雲南鎮雄
知州早以梅花詩明史雜詠擅名晚定海珊詩鈔盡刪
飛騰綺靡之作沉博絕麗自成一家先生未與館選賦
雜感詩先祖和云紅綾宴罷脫青袍壓帽宮花簇簇高
蓬島無書傳海鳥河陽有信待鉛刀朝班袞袞嗔人熱
衙鼓鼕鼕讓爾豪不見春明諸落第白頭風雪買歸舸
吐言千百早峻嶒共說頭銜合署冰路近丹崖偏失
鳳屏污墨點誤成蠅自來逐鹿誰甘讓不算亡羊未要

怡怨李恩牛休置喙澄觀只作水中燈 詆蕩天門最
有聲錦衣新許故鄉行預懸銀艾儲仙令漫卷詩書罷
墨兵愛日喜能伸夙願看花已不負三生做人一事真
奇福免得深閨怨洛城先生謁選得臨縣適先祖司臬
晉陽延至署中濕紅軒令先君問業故先生懷先君詩
濕紅軒裏夜篝燈記否丹鉛杜少陵軒在晉臬署孝廉時年十四索余評
杜發語便知謾蔑善器人始信謝元能瘴江樹黯鵲啼
血秦隴關嚴馬躡冰奔赴後佩得真香巴里茗書廚絕
倒大儒曾

張秋水贈詩萬軸連天寄宦情歸來高笑魯諸生不同
文豹山中變競惜祥麟地上行黃氣眉間新薦牘青雲

足下舊香名草堂何幸邀金奏驚破階前蟋蟀鳴

杭堇浦效坡體贈詩記與恩奇擅賦稱一麾出守感觚
棱金門對策偕徐樂幕府酬詩得杜陵義不肯降辭匪
激剛難受叱氣誠矜沉冥自是君家學釣瀨清風尙足
徵

徐恕齋懷人詩十年詞賦豔金臺猶記花封共酒杯頭
白一官今萬里雄文真稱碧雞才先生再赴滇南過廣
平試院余在金柏門總憲學幕見總憲贈詩有升沉等
入盧生夢老健終傳庾信文之句旋卽下世竟成詩讖
姚改之先生時在五臺作輓詩二十首錄最悽惋者拋
辭舊社未成家吟對泉源興轉賒留得必傳詩十卷香

多不在賦梅花我無科第重文章科第人偏愛寸長今
日知音渺何許朱絃三歎有餘傷何妨同氣不同聲秋
蟬春庚各自鳴識得寸心千古事論詩雖異卻無爭重
踐游蹤老自憐與公曾此共丹鉛綠尊紅燭蓮花幕不
信同頭三十年

自注謂壬子同
客臬使署事

隨園詩話海珊自負詠古第一讀之果然如三垂岡云
詠張魏公云傳中功過如何敘爲有南軒下筆難冷
峭蘊藉恐朱子在九原亦當乾笑按先生軼句如甲辰
未館選云從此琵琶彈塞外回頭羞見漢宮人呈先祖
云已分展禽慚下吏尙憐文舉是通家臨縣云風同雁
塞春無跡冰裂黃河夜有聲贈吳問鄉云門左客歸齊

相國車中奴墜魯朱家又贈王介夫題蟋蟀吟集皆不
存故並錄之

范少司空

璪

字殿文號松巖秀水人寄居南潯甲辰翰

林改大興知縣晉安徽巡撫升副憲工部侍郎休歸乾
隆辛巳與香山九老宴戊子卒年八十錢香樹尙書輓
詩云潯南一曲碧環環耆德云亡不可攀弱歲拾芹聯
泮水衰年 賜杖接香山懷人席冷絲桐撒眷舊恩深
玉醴頒淚灑西齋成獨立那堪梅雨正潯潏

嚴都諫

源燾

字濟之號桐峯民法子甲辰翰林改御史

改吏科久任掌垣假歸嚴海珊懷人詩十載重爲入洛
行巢痕坐認舊題名清聲已辨如猗學直節今容仗馬

鳴羅汊沈吟左徒賦板磯實召鷺拳兵皖城絲竹開堂
處回首江湖萬里情沈東田寄懷詩屋宇相望外氏家
更來晨夕戀京華看花覓友巾車共聽雨談心畫鼓過
夢裏閒徵春草句風前新茁紫蘭芽從今盡入相思譜
北望燕雲萬里賒

吳少廷尉

應枚

字小穎號穎庵眉庵弟甲辰翰林視學

雲南升學士奉天府尹降通政參議鴻臚寺卿大理寺
少卿工畫兩蒙

御題

見前卷

汪文端寄懷詩滇南盛事數馮君先後來看

冰雪文徐恕齋花朝寄詩春色三分漸有涯園林到處
尙槎枒空明乍活銅池水穠豔猶分土窖花枯坐凌晨

猶瑁璫短眠亭午夢繁華城西早下銀臺直定有新篇
向客誇有客槎集墨香幢詩

乙卯張南華使滇時頽庵視學祝陳榕門方伯仿飲中
八仙有吳猛輕箴風翩翩句丁巳元旦和招飲詩藉甚
聲華玉署中漢庭人競識吳公螭坳珥筆相先後虎觀
談經定異同僕病未能勝酒因君才亦復坐詩窮寒宵
更騁雌雄辨共醉蘭臺賦楚風又酬詩延州季子夙欽
賢帝里風光幸接塵殘醉尙留青玉案新題又滿碧瑤
箋春來多病惟行藥夢裏安心亦坐禪也識流年宜共
賞看囊恰少對花錢大絃盎盎奏春溫安樂行窩管小
園痛飲漫論勝僕射苦吟端問息黎元

用玉川
詩意傳家綸

綽仍看掌

令子中書龍光

論世鬚眉早欲掀獨笑和詩深雪夜

凍毫醉掃半平髡又畫溪山清夏圖送尹奉天並題長

歌又消寒詩名場晚歲慙魚鹿生計春山戀蕨薇擬就

竹弓歸射鵬菱湖煙雨綠簑衣

原注領庵前輩餽四種菜

吳侍御

延熙

字銘佩號敬齋甲辰翰林改御史主閩試

視瀛學歸主端溪書院時先祖守潯郵書倡和贈詩云

菱塘錄別酒杯親何意來探嶺外雲唱廡已聞經爛熟

褰裳惟見鶴精神風承鹿洞多思古石富端溪足療貧

君退仙班猶上界河陽況更種花新

時子毓芝以丁侍已進士幸維容

御戊寅年卒先君輓詩云五日驚呼隔死生廿年話舊

語分明蘭臺柏府完臣節金馬朱鸞照使星白社溪山

新畫本青瑣文物舊傳經如公高舉雲羅外豈謂先秋

遽鍛翎又石村吳侍御

鳴虞

字集三號蓼村亦甲辰進

士由工部郎擢御史偕高

維新馬維翰

兩黃門丈量四

川地畝罷歸不出

先叔祖

永樸

字素岑號補齋癸卯順天舉人福建甯化

知縣久客京師馬墨麟給諫贈以相逢行云吳興才人

大小戴峴山秀出留嘉名駱駝橋下水波闊扁舟繫纜

當門橫篇長不及全錄恆與孫約亭張秋水倡和聯句

孫有花朝和韻詩原倡未見集亦未編

鮑西岡送赴政和詩人境依然十載遲菜花村閣憶當

時機雲洛下稱名士詞賦梁園說故知

時館紫幢宅

雙鳥乍

飛鵲觀一官曾奪鳳皇池
灘舟嶺橋王程遠驥足懸
知不久羈先在山右臬署
有蟋蟀吟巖海珊題蟋蟀
吟云鄉音無伴苦思歸
忽漫相逢淚滿衣戴笠人
方驚我瘦食糠君又訝平
肥山經芒碭淝花落路出
滕曹榭葉飛十二年前驢
背夢寒燈土炕記依稀一
兩行官燭幔紗紅晉乘編
摩此夕同百戰河山歸掌上
三邊旗鼓重雲中玉魚零
落徵疑塚銅狄銷沈訪故
宮月俸虛糜無小補煩君
三篋繕河東二和章稠疊
手親裁不用聲聲擊鉢催
放閫帆乘江溜下騰槽馬
湧陣雲來何須七步還三
步洵是仙才更鬼才笑我
數莖吟易斷蒙茸荆棘蔽
靈臺三溪山罨畫孝廉船
撐出人間已十年眼纈紅

熏滄海日衫痕青染太行煙東西屋並姜肱被南北鑣
分祖逃鞭如此客懷差不惡百花齊放月團圓四時同
在臬署修山西通志壬子六八兩叔祖南北同捷故有
南北鑣分之語

談大令

起行

字秋帆九乾孫癸卯舉人趙城知縣工繪

蘭竹有詩集久主松江書院陸副憲

錫熊

出門下家農

南叔祖

永植

題花酒逃禪圖慧是文人業禪從醉裏參

雙鬟催入道五柳竟投簪法豈紛花雨魔方擁佛龕香
山老居士蠻素伴瞿曇

沈方伯

世楓

字甫草號東田愷曾姪丙午舉人庚戌中

書升刑部主事員外郎擢御史外轉大名道歷升湖北

布政司降蕪湖道有十笏齋詩集沈歸愚錢香樹序先生謫官丙戌來京就養蘭陔侍御子舍餉鶴軒中時余憂居時以詠物詩屬和並談春明舊事娓娓忘倦工書法出入顏柳每日臨池不輟壬辰歸田築閑止山莊寄詩四律敬和極蒙獎許未幾卽歸道山典型徂謝念及撫然

先伯

炳

字闇成號茶星丙午舉人由天津倉大使升彭

水知縣十年不調賦詩自娛有秋樹山房詩先宰雲陽嚴海珊寄詩傳聞蜀道易乃號黃居難安得此間樂大都如是觀險經人鮓甕境出玉冰欄地昔富胸臆助吟清夜寒先君和乙亥元旦詩夢同依謝草人老感潘花

一官成吏隱十載歎郎潛

董運使

承勳

字對揚號芭堂己酉副榜由大令擢長蘆

運使捐俸倡立吳興會館詩集孫約亭作序嚴海珊懷
人詩沈沈兵衛寢凝香巾角彈綦妙擅場從小便知偉
節怒老來始悔次公狂空池舊夢無春草散木孤墳又
夕陽生怕絕交書不免竹林例得斥山王

吳興詩話卷五

吳興詩話卷六

烏程戴璐菴塘輯

孫宮允

人龍

字端人號頤齋又號約亭司空姪雍正己

酉南元庚戌翰林隨史文靖陝甘宣諭歸授編修視學

雲南廣肇升中允甲戌同考得紀大宗伯

昀

假歸掌教

戢山詩集極富以家難散失僅存頤齋未定稿甲子紀

恩詩鳳籙綿延百歲春

君恩稠疊賁家珍蘭臺世領

文章伯

三世贈掌院學士

芸署榮褒侍從臣五色雲籠蓉鏡豔

萬年觴映餅綾新

伯父庚戌及第從兄癸巳曾元

穹碑奕葉書名姓轉

憶重華五月巡

伯父扈蹕

南巡

又文治萬年縣甲子

科名三代紀庚辛俱典切嘗製芍藥餅餉客有詩徐恕

齋張秋水暨先祖俱和之

先生與先祖交厚守潯時先生肇慶駐節恆以詩筒郵
遞有聞約亭學使海上歸舟詩輪斲誰從匠氏誇揀金
一一仗披沙絳帷夙貯千秋鏡碧海新迴八月槎蠻唱
黎歌啜儋俗椰冠琴杖出蘇家天門冬酒留方法曾否
攜尊醉月斜假歸時會館興作未竣留別詩末句轉爲
粉榆籌未了草堂花徑幾時新陳宮詹浩題授經圖送
行詩稽古老斲輪遺榮羨知止又輓句舊好心推第一
流那堪生死憶同遊幾年祕閣然藜夜一別離亭落葉
秋老去並爲書社長病來仍號醉鄉侯海中仙果生非
晚名父人應念李舟

鍾大令

衡

字仲恆號岱峯長興人庚戌翰林改御史乙

卯主試廣東轉吏科掌印給事中內升太常寺少卿選

同館課藝行世商寶意

盤

送假歸詩千古知音第一流

牙期迢遞憶前游江湖疊浪高於屋安穩茗南到岸舟

孫約亭次韻詩兩箸溪邊春色深閑居況味費招尋太

常齋稱歸田計中散書乖戀闕心焚草昔年勞補袞傳

經此日勝遺金多情賦贈停雲句長鋏歌聲寄短吟

胡戶部

彥昇

字仲升號竹軒彥穎弟丙午解元庚戌進

士由戶部主事改定陶知縣著樂律表微徐侍御有和

韻詩

朱戶部

敦棧

字萼友號茅村烏程人庚戌進士戶部主

事早沒志載有紅近軒集未見故麓中藏有題茶星先
伯吳園絕句後詩云天涯尊酒幾何時惆悵題完一卷
詩北闕上書三月去東京作賦十年遲衣冠疑似將軍
墓金陵謝車騎冰雪荒寒太子池詩有春雪平堆太子池句辛苦讐
書誰念爾詞頭塗抹字參差近於阮少司寇收藏詩卷
得移居和韻詩阮緩亭太史有題桃花源小築圖詩

章給諫

有大

字容谷號祐庵歸安人庚戌進士福建試

用知縣王子同考與杭堇浦論注李義山詩見榕城詩
話未補官援例入爲工部主事乙卯卽爲福建正考屢
與文衡改御史轉禮科給事中張秋水題深柳讀書圖
含香執簡太恩忙桃李門牆徧錦囊好事若如廉孟子

重開萬柳作書堂

嚴海珊懷人詩十年郎署半句留無數東坡放出頭
泥
泥神傷羊志淚惻惻意倦馬卿遊聲猶老鳳清雛鳳駕
合犍牛易犂牛只恐黃塵歌未歇潞河春水滯歸舟又
題姬人沈小同傳後詩松林路遠一亭孤此計君毋學
老蘇春水方生花滿陌魂隨帆影到菱湖商寶意盤題
傳末云曼殊那得留塵界精衛空思塞愛河莫過菱湖
舊時鎮西風瑟瑟晚生波姬菱湖人

戚太守

振鷺

字我雛號晴川德清人庚戌進士由青陽

知縣歷撫州知府謫戍軍臺宥歸以子蓼生任按察使
贈通議大夫有晴川詩鈔太守自塞外歸至揚州和盧

雅雨山人紅橋詩有白雪文章今歷下紅橋煙月舊揚
州之句雅雨立贈千金今讀全詩如白紵競傳蓮幙詠
綠楊曾繫繡衣船入座衣香吹細細隔簾花影看濛濛
亦佳隨園詩話載宿承恩寺詩瓦溝落月印孤榻檐隙
入風吹短檠殊冷峭族弟敬亭敬言亦庚戌進士福建
連江令詩祖二馮王子闌中與杭堇浦辨論見榕城詩
話

沈太守

孟堅

字敷亭號研圃德清人庚戌進士由知縣

晉江甯知府署有雙松袁隨園乞其一而贈以詩云滿
山梅竹避下風嫌渠曾受大夫封我獨摩頂戒翦伐當
作甘棠憶召公

張太史

映斗

字雪子號蘇潭烏程人癸丑翰林久任編

修乙丑分校禮闈丁卯使蜀歸卒於獲鹿有秋水齋集

少遊京師詩爲湯西厓少宰所賞稱老成清曠雅調高

張所謂杜詩韓筆無一字無來歷者古學正聲斯焉有

託可謂推許之至先祖贈詩相攸曾爲左家芬

先叔己丑擇壻

事京兆風流孰並君一見羲之欣締偶便呼白也與論

文酒星愛向湖船聚詩壘爭從秋樹分三十年來情脉

脉早知驥足有青雲諸葛名成勸著鞭辭家決計賦遊

燕更番人海波濤裏一躍天門詆蕩邊衣袖塵沙文士

價煙霞蓬島侍臣仙苦辛爾我憐同調恰比先生老七

年

末句乃他山先生贈西厓少宰詩用樂天長微之七歲事也余明長年亦如之故得借用

先生卒於驛館孫約亭輓句云星貫浮槎迴蜀峽鶴歸
華表到蘇灣汪韓門師韓詩十載綴朝簪三秋貢國琛
路紆雙節重天近一星沈先君蘇臺感懷詩黃散紛紛
閭幾人廿年車脚感勞薪鶴遙丁令歸來信花落羊曇
去後春知己片言嗟不作斯文尊酒忍重論古臺草綠
連書幌愁聽麻姑說劫塵

沈太守

潤

字維涓號柏村歸安人癸丑進士由中書歷

瑞州知府久主豫章書院有雙溪漁唱百首隨園詩話
載寄杭堇浦詩休向江潭悵獨醒青山偃蹇稱閒庭枕
函自秘鄰媛記農社還修耒耜經小艇瓜皮乘月泛清
歌菱角隔簾聽朝衫拋却饒幽興好伴維摩著素屏步

履經過屢結趺同牀各夢一悲吁

謂舉陽馬事

蓬窗聽雨都

元敬酒郡移官張藐姑琴作家資空送別鶴分俸料耐
償逋耦耕他日期相訪穩卧瓜牛號野夫孫約亭雙溪
漁唱題詞吾家茅舍傍菱塘密邇雙溪水渺茫蟹簍漁
村多好境如何南望不思鄉金檜門

德瑛

瑞州共飲詩

故人非俗吏相遇更殷勤政每清醇地根深爾雅文一
杯同念昔十日復離羣慷慨空江望煙雲莽不分又題
令弟受于峴山讀書圖七古

陳太守

詩

字藻亭號可齋歸安人癸丑進士鳳臺知縣

歷揚州知府詩集未見當求之後人

潘司訓

顯圻

字禹巖號懷村歸安人明宮保尙書季馴

裔孫歲貢生江山訓導先君送詩太末封疆拓漢圖絳
帷今喜得名儒攜來估舶蘭爲友種去園官橘是奴賃
庶諸生多服鄭設齋兩事本蘇湖爛柯舊是神仙窟好
覓靈根勵雪腴先生爲先君業師璠於戊寅問業年餘
極蒙期許憶筮仕水曹蒙以徐貞明水利議郵寄所期
甚大感愧勿諉

汪文端寄懷詩回首惜離羣開尊對馬軍五更松嶺月
一棹雪溪雲劍豈雌雄合牀原上下分激昂高意氣好
與細論文又古詩同舍論文有潘岳篇翰風流才卓犖
雙龍暫斂芙蓉顰看向承明留著作

張秋水贈詩廿載馳文譽風流衆所推世猶成我道天

或老其材陶鑄多佳士交遊愧不才飛霞君獨佩誰與
頡頏來又題研朱點易圖

沈檢討

齊禮

字嗣愷烏程人癸丑進士假歸張給諫

湄

送詩柳惲洲邊櫂白蘋空明茗雪水鎔銀扁舟恣載烏
程酒須記京華旅食人弟

齊義

字立人甲子舉人山東

壽張知縣值王倫倡亂被害 贈知府

姚徵君

汝金

初名世鍊字念慈號礪圃晚字改之號貞

庵延著曾孫乙卯辛酉雨中副車校書敘長沙縣丞未
赴久主金臺晉陽書院詩集散失僅存五臺遊草文節
卜硯詩歸里於廢簾得詩箋其傳誦赴長沙詩才調未
能同賈誼飄零也復到長沙又挽回一命萬牛難小臣

吳詩話六

蟣蝨也稱臣等句皆在外孫孫甯衷錄寄陸文節宮扇詩及甲申還京諸作因亟錄之

先生偕鄂中丞

弼

赴晉還京年已遲暮尙以未得一第

慍形詞色時余方入水部贈詩云小戴溫溫屢過儂如風初惠日初融衰遲最喜看才子標格還欣勝乃翁吾友九原忻得壻清門三代快成功不知根觸緣何事老淚翻傾慰藉中蓋先生與外舅沈榆村先生亦研友也先生師於先祖先君又從受業丙戌先生還京頻過話舊而先君捐館輓詩二章語極悽惋憶次章當年鈴閣共談經官燭然來夜火熒攻玉慚予真似石出藍看汝漸成青塵竇揮手三生隔往事回頭一夢醒記取于門

盈駟日科名接武有遺型首章僅記十年勤事卒於官
一句矣又先生蒙鄂文端國士之遇偕中丞

容安赴豫

著中州記畧嚴海珊寄詩云雪中筆札梁園會花下麾
幢洛水遊先生後贈鄂少宗伯

詩

云公貳春官大宗

伯我如天寶舊宮人許窺東閣方增愧偶夢西京更愴

神兼悼制府

弼

卒於西安

嚴海珊懷人詩聽斷蓮塘夜雨聲歸遲只爲嗽虛名才
華見許盧思道規矩難繩禰正平珠箔簪花三館夢錦
衣泣月十年情洞庭葉落秋將晚渺渺愁予與目成此
詩足爲先生小傳

袁隨園

枚

懷人詩年年乞食向歌姬鴻乙無端又改之

吳詩話六

新字兩中副車才不偶一痕眉畫十年遲隨園詩話念
慈性落拓冠履欹斜有南朝張融風味謝吳眉庵少司
馬薦鴻博啟云十年老女猶畫蛾眉百戰將軍空爭猿
臂一時傳其工整哭鄂文端公云未報公恩徒一慟自
憐此淚亦千秋在山左時有傳其死者入都諸桐嶼重
光贈詩云學道終朝銀闕去入都快比玉門還念慈答
云欠來一事能逃否問道同心自愕然又句云野無青
草霜飛候菊有黃花雁到初

陳太僕

兆崙

贈行詩廿載金臺懶赴官客中爲客感無

端青山直指雁來路白髮行催風裏冠生計幾時歸雪
水故鄉今日是長安東門帶草重重在待繫先生去轍

難門下士舒元豐許祖武等泣涕送行甲申中秋先生和太僕花字韻詩

漠漠秋陰薄似紗良宵清景未全遮正思覓醉何辭酒
纔到臨觴忽憶家連日冷催黃雀雨故園香老白蘋花
自慚名不通朝籍兩字歸田也近誇

杭堇浦寄懷詩苦吟聯舊雨良覲共柴扉遠水初迎棹
春寒欲上衣月窺虛色白花逐酒人飛此夕聞清嘯愁
心得所依

宋司農

邦綏

題詞子厚文章信必傳詩篇且復映山川

此中三昧憑誰語朶朶蓮花證妙禪

家茶星伯題經藝後門掩雙梧擁舊芸改塗笙典竄珠
墳句奇語重昌黎體色正芒寒子厚文長自登樓賦王

粲更誰伏閣訟劉蕡必傳已有千秋業眼底飛塵總幻
雲先生每值試期必有擬墨刻有咸受齋文一帙

韋約軒

謙恆

客潞河論詩贈句醉後論詩興若何一杯

新茗試松蘿任推綺麗齊梁好終愛光芒李杜多壁壘
如山真上將肌膚似雪卽仙娥廿年悔託雕蟲技落筆
無由脫白窠

姚世鈺字玉裁號慧田歸安諸生盛名不遇弟

世鈞字

炳衡從母舅沈翰翁遊楚有江山杉板船聯句歸著浮

湘草內饒州舟次放歌選入別裁集早歿又弟

世銓字

豐萬亦能詩歿玉裁繪夜雨傷神圖以悼之無子女

益

敬亦工詩歿哭之慟旋歿揚州弟子張震刻孱守齋集

八卷全謝山

祖望

爲之序

沈翰翁題夜雨圖茫茫四海孰同心夢冷池塘痛不禁

剩取遺篇露光燄玉湖樵唱

炳衡詩

杼山吟

豐萬詩

嚴海珊懷人詩讀書聲出綠楊陰結得芳鄰趙翰林八
面皆山樓一角萬花在水月中心那能病作棲泉鳥未
屑貧收諛墓金便渡江來無好夢玉人簫不是知音

厲徵君

鶚

旣題蓮花莊圖又月湖云隔溪燈火望冥濛

留客空齋賭酒筒鄭重陸家兄弟意夜涼笑語水光中

注謂玉
載兄弟

先君有梁溪道中讀集感賦九龍山翠靄春雲手把遺
編憶舊聞此卷合藏清祕閣伴他桐乳繡苔紋花落花

開又一年故人夢斷渡江船前身可似張承吉不乞封

侯乞墓田

蕙田歿於揚州賓館故用張祐詩意

王立甫

豫

長興人諸生有詩名因人牽連繫刑部釋回

近見湯緯堂炙硯瑣談載其若溪絕句之二云一春長
恨雨瀟瀟記過吳王送女潮輕薄桃花鳴咽水縱無離
恨也魂消選勝還須數棘車石門山色美何如茶花開
徧深深塢暢好風光是夏初有孔堂文集若溪詩計三
十六首可備長興典故

沈南蘋

銓

湖人工畫人物得不傳之祕曾寫花蕊夫人

宮詞爲圖呈進商寶意訪於花步贈以長歌結句勸君
且莫傷遲暮坎壈纏身原有數好進幽風稼穡圖漫傳

花蕊宮詞句袁隨園亦贈南蘋詩雍正間日本國王持
倭牌聘往授畫三年辭歸時國王賜予累萬同舟人受
簿錄之累傾所有以償歸家不名一錢故贈詩云東陽
隱侯畫筆好聲名太大九州小片紙能開異國春鶴書
遠賁東夷島東夷之國日本強晉唐書畫多收藏倭人
字乞蕭夫子行賈詩歌白侍郎將軍重幣聘高賢高士
乘舟去若仙眼驚紅日初昇處畫到中華以外天天風
吹下三千里行盡魚頭見魚尾斫取扶桑作管城揮毫
更進羊皮紙紫貝千雙國主恩鮫珠十斛門生禮蠅點
屏風墨未乾方諸拾淚寫牛欄奇花增入宣和譜怪石
常橫粉本看三年重作還鄉夢侏僂僂歌相送金壓

蕭雲行李遲船因陸賈歸裝重同舟人欠水衡錢羽化
銀杯意灑然元振萬金揮手盡長康厨內空雲煙還家
身世兩蕭條流落江湖酒一瓢游子青衫餘兩袖畫師
白髮老三朝人生意境何偏仄盛名坎壈如一轍但使
文傳黑水碑奚須家住黃金穴春來日日島船通猶道
夷王遣問恭七十二島依然在只隔人間海一重余家
藏南蘋松鶴大幅今已散失

先叔祖

永植

字子庭號農南王子舉人龍陽知縣著汀

風閣集有望到海門口渾疑天盡頭句懷查蓮坡

爲仁

詩云懷人兼愴舊百里卽天涯謝夢池塘草劉題觀裏
花雲煙空過眼風雨獨還家葦淀高吟處如浮海上槎

又江昱瀟湘聽雨錄農南明府向有一帀孤城半夕陽
又夕陽紅半樓又一匹鷺鷥漁夕陽之句人稱戴夕陽
其汀風閣詩貫串全史長於斷制如南徐懷古云三吳
士馬能無恙百里菰蘆大有人昭關云爲報父兄甘載
橐與人家國漫吹簫淮陰祠云面背動關天下計死生
不出婦人謀宋玉墓云滿地干戈秦虎豹荒臺雲雨楚
君臣峴首云作督荆襄籌典午隔江吳越視同寅粵中
懷古云下瀨樓船天子詔蠻夷君長老夫臣鴻門坂云
劍花已蝕樊侯盾玉斗能生亞父疽俱似獨漉堂作

朱景英舟過龍陽柬農南明府詩郭外漁村水外莊畫
圖難寫此江鄉遙知八百洞庭長正招檀痕唱夕陽

集有

一市孤城半夕陽
之句人稱戴夕陽

王贈公

標

字滙東號立齊又號道餘居士先世自休甯

遷居歸安之菱湖公以商籍補仁和學增廣生諸父羣

從官邸署任道府以下者若而人公獨涵醇抱素積學

能文著有周禮集說左腴莊腴立齋拾存等書且善書

工詩屢爲名流鑒賞又爲范約軒少司空

璨

快壻茅湘

客廣文

應奎

絮史羹所選如濠州歌靈壁石磬歌讀史

記諸古體論古皆有識其江行雜詠七絕云青山白紵

謫仙樓幾度名賢嘯傲遊可笑俗詩傳十詠危亭猶是

敞清秋板子磯連螃蟹磯朝來入饌鰕魚肥洲邊菱芡

牽風長浦裏鳬鷗接翅飛終古寒江月一輪高秋牛渚

水粼粼推蓬估客船無數不見當年詠史人飛飛秋燕
迎殘照汨汨寒潮落舊痕爲問風流江左事烏衣巷口
謝公墩妙高高處簾齊捲紺宇丹楓縹緲間堪笑往來
緣底事江山如此不登山一片鱗甲初未足罄其全有
子四人稟承家學攻苦益力乾隆乙卯季子以錡舉南
宮第一三子以銜第二遂魁天下科名盛事不但桑梓
豔之也

沈明經

志熹

字紫文號忍庵武康廩貢賦題燈詩傳呼

五夜尙聞雞旋奉紅霞認試題錦字光中摹點畫冰壺
影下識筌蹄芒生斑管胸羅宿燄湧金蓮氣吐霓表裏
空明開眼界恍從天祿照青藜題燈創自于文襄視學

時嗣後永以爲式孫

騷雲

字勉旃庚辰與余同年官六

安州同知

梧門詩話載姚念慈詠酒徒云氣從田竇筵前短興到
荆高市上豪傭保亦應憐姓氏生涯原不稱旌旄逐客
云故人書札雙魚懶商婦琵琶一雁哀倦僕云主恩酬
過千頭橘世態看如一片雲病僧云千劫難銷心寸寸
一塵猶隔路重重癯仙云桃非手種何堪竊玉不田荒
却費耕吐屬微婉兼有寄託按詩題爲陳勾山先生原
唱先君亦有利章

諸桐嶼

重光

喜礪圃入都詩依舊昂藏野鶴姿天涯重

與故人期忽聞惡耗傳君死相對虛懷誦我詩科目却

遺真國士名山原屬老經師
長安頭白無多戀袖手閒
看局外棋

二條
補前

吳興詩話卷六